

**UDRUŽENJE GRAĐANA ZA POVRAT STARE DEVIZNE
ŠTEDNJE U BiH I DIJASPORI**

BANJA LUKA
Ul. Ivana Gorana Kovačića 139b

**Predmet: obavijest o prijedlozima za poduzimanje
hitnih mjera u vezi sa problemima oko
stare devizne štednje**

Nakon sastanka održanog u Banja Luci 04.06.2010.g. u prostorijama Udruženja dogovoreno je da se pojedini učesnici sastanka obavežu na davanje svojih stručnih mišljenja s prijedlozima za rješenje problema stare devizne štednje nastalih nakon pravomoćnosti presude Evropskog suda za ljudska prava u Strazburu u predmetu Suljagić protiv BiH br. 27912/02 od 03.11.2009.g. koja je postala pravomoćna 03.02.2010.g. kao i posljednjim odlukama Ustavnog suda BiH vezanim za tu presudu.

U vezi s tim kao pravni zastupnik Udruženja dostavio sam Udruženju 20.04.2010.g. materijal vezan za realizaciju potraživanja stare devizne štednje i potraživanja neiskorištenih sredstava na jedinstvenom računu s prijedlozima za obaviještenje deviznih štediša o nastalim problemima i njihovom opredjeljenju oko izbora za verifikaciju svojih potraživanja do rokova utvrđenih zakonima entiteta koji su u Republici Srpskoj i Brčko Distriktu do 31.12.2010.g. a u Federaciji BiH do 03.08.2010.g.

S obzirom da je navedena Komisija za utvrđivanje činjeničnog stanja u vezi s starom deviznom štednjom trebala da izradi izvještaj koji bi se dostavio Evropskom sudu za ljudska prava u Strazburu, Vijeću Evrope putem Generalnog sekretara kao i svim mjerodavnim institucijama u BiH i medijima predlažem da se što hitnije pristupi izradi izvještaja u koji bi se ukomponovali svi potrebni materijali u osnovnim sažetim tezama.

Prije dostavljanja ovog izvještaja Komisije potrebno bi po mome mišljenju uraditi slijedeće:

- napisati urgenciju Evropskom sudu za ljudska prava u Strazburu za odgovor na postavljena pitanja pravnog zastupnika Milanović Nebojše od 01.12.2009.g. (broj reference 43726/06) i zatražiti odgovor najkasnije za 8 dana
- nakon prijema odgovora koristiti isti za izradu konačnih prijedloga za postupanje deviznih štediša u vezi s navedenom presudom
- održati sastanak Izvršnog odbora i zaključkom usvojiti tekst saopštenja za javnost
- poduzeti i druge mjere za koje Izvršni odbor bude smatrao cjelishodnim a posebno dati prijedlog za izmjenu Zakona o izmirenju obaveza po osnovu računa stare devizne štednje (Sl.glasnik BiH br. 28/06) i to po hitnom postupku a u skladu sa prijedlozima iz Amandmana dr Nikole Špirića od 31.01.2006.g. koje treba priložiti Parlamentarnoj skupštini putem ovlaštenih poslanika odnosno zastupnika

U izvještaju je potrebno dati kritički osvrt na stavove predstavnika i zastupnika BiH u Evropskom sudu u predmetu Suljagić i demantirati njihove netačne i neosnovane tvrdnje o navodnim mogućnostima štediša za kupovinu stanova i poslovnih prostora i dr. Ovo zbog toga što se stanovi nisu mogli kupovati na tržištu kod preduzeća nego samo izvršiti otkup stana na kojem štediša ima stanarsko pravo, dok je za poslovne prostore ostavljena mogućnost samo u postupku privatizacije u kojoj su učestvovali najvećim dijelom profiteri kupovanjem po minimalnim cijenama devizne štednje i drugih certifikata odnosno vaučera.

Dakle, bez prihvatanja prijedloga štediša da se osim isplata u gotovini devizna štednja može vratiti i davanjem u vlasništvo stanova i poslovnih prostora na tržištu kao i građevinskog i poljoprivrednog zemljišta te dionica visokoprofitabilnih firmi ne bi se na pravičan način namirile devizne štediša čime bi došlo do grubog kršenja Evropske konvencije o ljudskim pravima i osnovnim slobodama i Protokol a posebno pravo na mirno uživanje imovine .

Na ovaj način ne bi došlo do ozbiljnog debalansa i neodrživosti budžeta na štetu svih ostalih korisnika (zdravstvo, školstvo, odbrana, sigurnost, plaće administracije pa i priključenje EU) i uopće ekonomsku održivost zemlje kako to tvrde zastupnici države BiH pred sudom .

U Tuzli, 10.06.2010.g.

Pravni zastupnik Udruženja,

ADVOKAT
PAŠIĆ A. EKREM
75000 Tuzla, Trg-Stara Tržnica 6
Telefon: 075 / 252 - 088

